


[www.BibleForChildren.org](http://www.BibleForChildren.org)


# Mateu 8



Morarame asakoro tōmehse ropa ahtao juteu tō pytatoh toehse Kana po, Karirea rānao. Jezu ě moroto kynexine. Jezu roropa toahmase ipoetory tō maro toto ytotohme myaro.



Morarame ynara tykase Jezu eny: — Aimo, pake eukuru nenahno, toto okuru, tykase ynororo tumũkuru a, eukuru tonahse exiryke. Mame tapyi esẽ poetory tomo a ynara tykase Jezu eny: — Mose omipona rokẽ ehtoko, umũkuru omipona, tykase ynororo eya xine.



Mame: — Moro aka arykako, tykase Jezu tuna poko, tapyi esẽ namoto tomo a. Tuna ẽ typehkase eya xine tuna ke. — Seromaroro eukuru anỹtoko, ekarotohme erẽnatoh aporesemyry a, tykase Jezu eya xine. Mame eukuru taropose eya xine rahkene.

Uwa eukurume tanyhtanohtpose eya tunãpo.




Morarame eukuru tukuhe aporesemy a. Tuaro pyra ynororo tuna risẽ poko, Jezu nyrihpyry poko. (Mokaro rokẽ tuaro, tonese tyya xine exiryke.) Morara exiryke aporesemy a erẽnakety tykohmase tyya, orutua.



Ynara tykase ynororo eya: — Oty katoḥ sē ke yna  
anauhpara make apitoryme hro? tykase ynororo  
pytakety a. — Seromaroro  
rokē tokoh sero kurā  
ekamopitōko ma,  
tykase eya aporesemy.



Moro ke Ritonõpo jamitunuru tonepopitose  
Kana po, Karirea rãnao. Moroto  
Ritonõpo mũkurume toexiry  
tonepopitose Jezu a.  
Morarame ipoetory tomo  
a tonetupuhpitose.





Morarame Jezu toytose ropa Peturu  
tapyĩ taka. Moroto Peturu merenoty  
tonese Jezu a kure pyra. Oxirohnõko  
kynexine, tohrame.





Mame tomary ke mokyro tapose Jezu a. Axĩ  
kynoxirohkehne ynororo. Mame kynowõne  
ropa tonahsẽ ritohme, Jezu napyry ritohme.



Mame kokonie pukuro kurākōkara tarose imehnomo a  
tuhke Jezu a, toto kurākatohme ropa. Jorokohpā kō  
roropa tarose eya xine.  
Kapanaũ pōkō roropa  
toehse tuhke imoihme.  
Tapyi eutary pota taka  
tōximōse toto.



Mame kurākōkara tukurākase ropa eya, tuhke. Joroko tō tutūtanohpose roropa eya mokaro ae. Joroko a sekere kamexipopyra kynexine ynororo: "Awaro ynanase," karyke eya xine.



Jezu temuhmary se toh toehse, emero,  
toekurãkapotohkõme eya, ijamitunuru  
enetuputyryke tyya  
xine. Mame  
toekurãkase ropa  
toto. Enara.



Morarame pakaihkapỹ tonehse imehnomo a Jezu a  
ikurãkatohme ropa. Asakoropane kynexine  
enehnanomo.




Yrome omõsaromepyra toh kynexine  
ahno tuhke exiryke. Morarame tapyi  
mypatarãnaka tõnuhse toto. Tapii  
typiapose eya xine Jezu etonie.  
Mame kurãkara tonyhtose  
eya xine moro ae  
etueh maro Jezu  
myhtokoxi.



— Kurākatō mokyro, tykase  
toto tukurohtao xine. Mame  
toto kurohtao tonetuputyry  
waro Jezu kynexine.  
Mame ynara tykase  
ynororo kurākara a:  
— Aimo, oorypyry  
korokāko ase,  
tykase ynororo  
eya. — Tukurākase  
ropa mase. Owōko  
ropa. Oetuety aroko  
ropa atapyĩ taka,  
tykase ynororo eya.



Morarame Jezu tōtyrise kanawa aka,  
ipoetory tō roropa tōtyrise imaro.  
Mame okynā pyra tyryrykane  
konōto tooehse itamurume,  
ikuho akuotyryhtao eya  
xine, poh tykase roropa  
itamurume kanawa pona.  
Yrome Jezu nyhnōko  
kynexine kanawa ao.





— Oty katoḥ oserehnõko matou? Jenetupuhpyra ro hmatou? tykase eya xine Jezu. Mame towõse ynororo. Ynara tykase tyryrykane a, pohkane a roropa:

— Omynyhpãko, tyryry kara exiko, tykase.

Mame axĩ tyryry kara toehse.


Pohkara roropa toehse.

Mynytyme konõto rokẽ

toehse. Mame imarõkõ

tõsenuruhkase: — To!

Imehxo mose nase.



Tyryrykane aomipona nymynyhpãno. Pohkane roropa nymynyhpãno aomi poe, tykase toto.



Ritonõpo sero nono pōkō pyno  
ipunaka. Morara exiryke Tumūkuru  
toirō tonehpose eya, emero porehme  
enetupuhtohme tosēkōme, orihpyra  
ehtohme, jūme imaro ehtohme.

40

60



Romanos 3:23 Kymarokõ emero tyrypyhpyke.  
Osepune pyra sytatose, Ritonõpo kure exiry maro.

Romanos 6:23 Ynara exiryke, kyyrypyrykõ  
epehpyryme orihnõko sytatose. Yrome Ritonõpo  
nekarohpyry ke orihpyra sytatose jũme. Jezu  
Kyrixtu Kuesẽkõ marõme exiiko sytatose, toorihse  
exiryke kymyakãkõme.

Epereu 9:27 Toipe sytatose. Emero porehme  
orihnõko sytatose toiro. Moromeĩpo kuapiakatorỹko  
Ritonõpo mana.



Epezu 2:8,9 Naeroro tamoreme opyno xine Ritonõpo toexiryke typynanohse matose. Okurãkatorỹko roropa mana kure oexirykõ pokoino pyra. Jezu enetuputyryke rokẽ oya xine okurãkatorỹko mana. Topehke pyra, tynekarory kurã sã, Tumũkuru tonehpose aorihtohme, okurãkatohkõme. Naeroro epyrypasaromepyra matose Ritonõpo poenõme oexirykõ poko. Kure oexirykõ pokoino pyra tukurãkase matose Ritonõpo a.

Romanos 10:9,10 Jezu orihxĩpo tõsemãkapose ropa Ritonõpo a. Moro enetuputyryhtao oya xine imehnõ zurũko matose: “Jezu Jesẽme mana,” ãko matose imehnomo a. Morara awahtao xine opynanohtorỹko Ritonõpo mana. Ynara exiryke, kukurohtao xine enetuputyryhtao kyaa xine kukurãkatorỹko Ritonõpo mana. “Zae mase ya,” ãko mana kyaa xine. “Jezu Jesẽme mana,” karyhtao kyaa xine kypynanohtorỹko Ritonõpo mana.



João 3:16,17 Ritonõpo sero nono pōkō pyno ipunaka.  
Morara exiryke Tumũkuru toirõ tonehpose eya, emero  
porehme enetupuhtohme tosẽkõme, orihpyra  
ehtohme, jũme imaro ehtohme. Sero pōkō  
pynanohse Tumũkuru tonehpose Ritonõpo a,  
toto onuãnohpyra aehtohme.

1 João 5:11-13 Ynara Ritonõpo nekarohpyry sero.  
Orihpyra kyritorỹko Ritonõpo mana Tumũkuru  
enetuputyryke kyya xine. Ritonõpo mũkuru maro  
exiketõ orihpyra mã toto. Yrome Ritonõpo mũkuru  
maro pyra exiketõ orihketõme toto. Onenerykõme  
pape merõko ase orihpỹme oehtohkõ waro  
oehtohkõme, Jezu Ritonõpo mũkuru  
enetuputyryke oya xine.



Mateu 8-9; Maku 1-2, 4; Ruka 4, 8; João 2

Storyline by: Edward D. Hughes

Illustrated by: Byron Unger, Lazarus  
and Alastair Paterson

Adapted by: E. Frischbutter; Sarah S.

Apalaí Bible (apy) ©2017, Wycliffe Bible  
Translators, Inc.

<https://live.bible.is/bible/ENAPBT/JUD/1>

©2024 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

